



DET KONGELIGE
KULTURDEPARTEMENT

Pressemelding

Nr.: 37/10

Dato: 03.06.2010

Kontaktperson: Hanne Gjørtz, t. 95 75 52 13

NAŠUNAALI KONFERANSI KVÄÄNIN KIELEN REVITALISEERAAMISESTA

Kulturdepartementet, Kunnskapsdepartementet ja Fornyings-, administrasjons- ja kirke departementet järjestethään 7. ja 8. juunikuuta 2010 konferansin, missä käsitelthään kväänin kielen revitaliseeraamista Norjassa. Konferansi järjestethään Yykeänperässä, mikä oon Isovuonon komuunissa, Tromssassa. Samala viikola alkaa kväänikulttuuriviikko eli Paaskiviikko, minkä kväänikulttuurisentteri Halti järjestää.

Konferansi kuuraa rejeeringin kielitietotusta, sannoo kulttuuriministeri Huitfeldt. – Kväänin kieli oon uhattu. Se oon tärkeä, ette kielen puhhujat ja hallitusherrat työtelhään yhdessä sen etheen, ette kväänin kieli oon tulevaisuussaki elävä kieli, sannoo kulttuuriministeri.

Konferansissa freistathan antaa toelisen kuvan kväänin kielen tilasta tääpäni, ja selvittää, kunka rejeeringin pitäis tulevaisuessa työtellä kväänin kielen etheen. Lisäksi otethaan esile kans suomen kielen opetuksen kouluissa.

Staatinsekretääri Raimo Valle oon jo aijemin praamanu kväänin kielimiljöötä, ko het oon tehneet hyvää työtä kielen revitaliseeraamisen etheen. -Hallitusherrat saatethaan auttaa kielen revitaliseeraamisessa, mutta kehitystä tapattuu tyhä silloin ko kielen puhhujat ja kielimiljööt oon työssä myötä, sannoo Valle. -Mie toivon, ette konferansi innostaa ihmisiä vaihtamaan ajatuksia kväänin kielen tulevaisuudesta Norjassa.

Konferansi oon tarkotettu kaikile, jotka työtelhään kväänin ja suomen kielen kans, ja lisäksi kaikile hallitusherroile ja päättäjille.

Konferansiprogramin saatat lukea tästä: www.fad.dep.no, ja se löytyy kans [tästä](#).

Ota yhteyttä Isovuonon kielisentterhiin/Storfjord språksenter,
silja.mattila@storfjord.kommune.no t. 452 037 16.